

Kalaallit Nunaanni nalunaarutiginninnerit, nalunaarsuinerit, akiliutit kiisalu Erhvervsstyrelsikkut avammut saqqummiussinerit il.il pillugit nalunaarut

Piginneqatigiiffiit pillugit inatsimmi Kunngip peqqussutaatigut nr. 486 af 14. maj 2018-imeersoq aqqutigalugu, Kalaallit Nunaannut atuuttussanngortitaasumi § 8 a, imm. 1 aamma 2, § 8 b, § 12, imm. 1-3, § 13, imm. 1 og 2, § 350, stk. 2, 2. pkt. aamma § 367, imm. 4-mi allassimasut naapertorlugit kingorna Kunngip peqqussuteqarneratigut nr. 2624, 28. december 2021 § 2, imm. 4, § 5 a, imm. 1 aamma 2, § 5 b, § 12, imm. 2, 2. imm. § 13, § 14, imm. 1 aamma 2, aamma § 23, imm. 2, suliffeqarfiit inuussutissarsiornermik ingerlatsiviusut ilaannut inatsimmi, Kunngip peqqussutaa nr. 622 23. juni 2008-imeersoq, kingorna, s nr. 2625, 28. december 2021, § 8, imm. 1 aamma 2, § 9, imm. 1 aamma 2, § 11, imm. 3, aamma § 19, imm. 2-4 nr. 485, 14. maj 2018-imeersoq atorlugu allanngortinneqartumi, kingusinnerusukkullu Kunngip aningaaserinermik ingerlatsinermut atatillugu peqqussutaa 485, 14. maj 2018, § 23, imm. 1 aamma § 336, imm. 2, aqqutigalugu nr. 838 14. august 2012-imeersukkut, § 156, imm. 1-itut Kalaallit Nunaanni atuuttussanngortitaasoq aammalu Kunngip peqqussutaa nr. 625 23. juni 2008-imeersoq Kalaallit Nunaanni ukiumut naatsorsuusiornissamut inatsimmi, aaliangerneqarpoq:

Kapitali 1

Atuutsitsiffissat

§ 1. Nalunaarutip kapitalii tunngavigalugit suliffeqarfinnut imaattunut piginneqatigiiffinnut inatsit naapeertorlugu Erhvervsstyrelsip qarasaasiatigut ingerlatsiviini nalunaarsorneqartussaatitaasunut atuutissapput:

1) Kapitalselskabit:

- a) Aktieselskabit.
- b) Anpartsselskabit.
- c) Partnerselskabit.

2) Suliffeqarfiit Finanstilsynip ataaniittut imal. suliffeqarfiit aatsaat Finanstilsynimit akuerineqarnikkut aktieselskabiunatik (piginneqatigiiffiunatik) ingerlanneqarsinnaatitaasuni, piginneqatigiiffittulli ingerla-sunut malittarisassiissutaasutulli nalunaarsorneqassapput:

a. Tværgående pensionskassit.

b. Sillimmasiisarfiit, taamaallat ilanngunnagit ingerlatsiviit aningaaserinermik suliffeqarfinnut inatsisip §§ 301 aamma 302-mi Kalaallit Nunaannut Kunngip peqqussuteqarneratigut atuuttup ataani inissisimasut.

c. Sparekarsit.

3) Suliffeqarfiit inuussutissarsiornermik ingerlatsiviusut ilaannut inatsimmut attuumassuteqartut, Kunngip peqqussuteqarneratigut Kalaallit Nunaannut atuuttussanngortitaasup ataani inissisimasut.

4) Aningaasaateqarfiit niuernermik ingerlatsisuusut.

Kapitali 2

Aaliangersakkat tamanut atuuttut

Erhvervsstyrelsen immineq sullississutaanik atuineq

§ 2. Pilersitsinerit imal. ingerlatsivinnut inatsitinni malittarisassat naapertorlugit paasissutis-siissutaareersut iluini allannguinerit Erhvervsstyrelsen imminnut sullissivia www.virk.dk atorlugu nalunaarutigineqassapput.

Imm. 2. Kapitalselskabet assigisaallu, ingerlatsivittut aningaasatut tunuliaqutigisaminnik nalunaarsuisussaataasunut atatillugu, Erhvervsstyrelsen immineq sullinnissamut periarfissiissusiaq atorlugu anigaasaliissutinut akilerneqarsimasunut atatillugu uppersaattissanik piniarsinnaavoq.

Imm. 3. Nalunaarutiginninneq digitaliusumik erngertumik Erhvervsstyrelsen aaliangiiffigineqar-sinnaavoq, aammali tamanna allaffissornikkut isumagissannngortinneqarsinnaalluni. Qanoq ingerlanneqassasoq Erhvervsstyrelsen aaliangerneqassaaq. Nalunaarutiginnittorlu suliaq naammassineqarpat nalunaarutiginnissummik ingerlatitsivigineqassaaq.

§ 3. Nalunaarutiginninneq digitaliusumik ingerlanneqarsinnaanngippat, taava tamanna pissaaq immersugassiaq www.virk.dk-miittoq atorlugu.

Imm. 2. Immersugassiarlu immersorneqareerpat digitaliusumik Erhvervsstyrelsen ingerlatinneqassaaq.

Imm. 3. Immersugaq pisunik assigiinngitsunik nalunaarutiginninnermik imaqarpat, taava taakku ataasiakkaarlugit ataatsimoortillugilluunniit nassinneqarsinnaapput.

§ 4. Nalunaarutiginninnermik nassuiaatinik il.il. avammut saqqummiussinerit Erhvervsstyrelsen IT-kkut ingerlatsivissiaani periarfissaasut killigalugit, tassa immineq sullississutaanut atatillugu. Periarfissaasut www.erst.dk atorlugu avammut saqqummiunneqassapput.

Imm. 2. Ingerlatsivik pillugu qallunaat oqaasii atorlugit allalli oqaasii atorlugit paasissutissiissutit avammut nalunaarutiginiaqqat, tak. Ingerlatsivinnut inatsinni § 13 imm. 2, Kunngip peqqussutaatigut Kalaallit Nunaannut atuuttussannngortitaasumi, www.virk.dk-kkut ingerlatinneqassapput.

§ 5. Nalunaarutiginninnermi imal. avammut saqqummiussinnermi, tak. §§ 2-4, malinneqassapput piima-saqaataasut, www.virk.dk-mi takuneqarsinnaasut.

Imm. 2. Immineq sullississummik iserniarnermi atorineqassaaq nalunaarutiginnittup digitaliusumik ilisarnaataa atorlugu imal. atorineqassalluni NemID, allatut Erhvervsstyrelsen aaliangiisimannngippat.

Imm. 3. Erhvervsstyrelsen tunngavissaqartumik pasitsaanneqarpat, immineq sullississut atornerlunneqarsimasooq imal. atornerlunniarneqartoq, taava tassannga erngerluinnartumik atuisup isissutaa matusinnaavaa taamallu erngertumik immineq sullississut atorlugu nalunaarsuisinnaanermik mattussilluni.

§ 6. Suliffeqarfik nalunaarutiginnittuuppat, tak. § 1, imal. nalunaarutiginnittoq inuuppat, suliffeqar-fimmit nalunaarutiginninnissamut akuerisaasimasooq, taava suliffeqarfik inulluunniit taamatut iliornissamut akuerineqarsimasooq

isersinnaavoq taamallu nalunaarsugassaasunik nalunaarutiginnissin-naalluni, ilisimatitsissuteqassalluni imal. suliffeqarfimmi uppersaasatitut pappialanik allatullu nalunaarutissanik il.il saqqummiussissalluni, tak. §§ 2-4, suliffeqarfik inulluunniit:

- 1) Pineqartoq Erhvervsstyrelsimi atuisutut akuerineqarsimappat,
- 2) Taanna Erhvervsstyrelsilu isumaqatigiissuteqarsimappata, taannami immineq sullississutissap atornissaanik aqutsisuummat, imal.
- 3) Digitaliusumik ilisarnaateqarpat Nem ID-milluunniit Erhvervsstyrelsimi akuerineqarluni atuiippat.

Imm. 2. Nalunaarutiginnittoq suliffeqarfiuppat, nalunaarutiginninnermi suliffeqarfiup CVR normua ilanngunneqarluni nalunaarutigineqassaaq.

Imm. 3. Inuussutissarsiortuunermit atatillugu suliffeqarfimmik pilersitsosqarsimaneq peqqutigalugu nalunaarutiginnittoqarpat, nalunaarutiginnittup uppersaasavaa eqqartuussisuserisuunini imal. kukkunersiusutut akuerisaasutut inissisimasuunini.

Digitaliusumik attaveqartariaqarunnaarsinneqarsinnaaneq

§ 7. Suliffeqarfik, tak. § 1, imal. inuk, suliffeqarfinnut taaneqartutut atuuttutulli § 1 naapertorlugu nalunaarsugaatigineqartussaasoq, digitaliusumik attaveqarnissamut pisussaaffimmit avaqutsisinnaatitaavoq, tak. §§ 2-6, suliffeqarfik, inulluunniit suliffeqarfimmit piginaatissummik tunineqarnikuusoq imal. inuk immineq uppersaasuuqpat, pineqartoq tassaappat qallunaat inunnut normuanik pigisaqanngitsoq imal. pineqartoq tassaappat nunami allami suliffeqarfik, Qallunaat nunaanni suliffeqarfittut ilisarnaammik atorneqartussamik pisinnaanngitsoq.

Imm. 2. Erhvervsstyrelsillu suliffeqarfik imal. inuk digitaliusumik attaveqarsinnaanermi peersinnaavaa, pingaaruteqartunik taamatut ingerlatsisinnaaneq ajornarpat imal. taamatut iliorneq pisariusorujussuussalluni. Tamanna pillugu qinnuteqarnissaq Erhvervsstyrelsimut saaffiginnissutigineqassaaq.

Imm. 3. Imm. 1 aamma 2 malillugit pinngitsoortitsineq ukiuni marlunni atuuttussanngortitaasarpog. Tamatuma kingorna sivitsuiniarluni saaffiginnissuteqartoqarsinnaavoq. Taamatut iliorneq Erhvervsstyrelsimut ingerlatinneqassaaq kingusinnerpaamik ukiut marluk qaangiuppata qaammatip ataatsip iluani.

Imm. 4. Digitaliusumik attaveqarnissamik atuisussaaajunnaartitsineq tunniunneqarpat attaveqarneq allakkatigut nalinginnaasumik ingerlanneqarsinnaalissaaq.

Imm. 5. Suliffeqarfik imal. inuk digitaliusumik attaveqarnissamut pisussaajunaartitaasup ingerlatsivinnut inatsimmi malittarisassat naapertorlugit pilersitsinernik nalunaarutiginninnermi imal. paasisu-tissiissutinik allannguinnermi aammalu nalunaarutaasimasunik assigisaanillu nalunaarutiginninnermi Erhvervsstyrelsip ingerlatsivinnut immersugassiai atussavai. Immersugassat taava suliffeqarfimmut taamaattut atorlugit nalunaarutiginninnissamut akuerisaasumut inummulluunniit taakku taamak pisoqarnissamik saaffiginnissuteqarnerisigut nassitsivigineqassapput. Taava nalunaarutiginninnerit allakkatut pissapput pisussamut atatillugu ingerlatsivinnut inatsisit naapertorlugu piffissaliussaasut iluini.

Imm. 6. Erhvervsstyrelsip allattugaatigissavai digitaliusumik ingerlatsisariqannginnermik akuerisaasimasut, imm. 1 aamma 2 malillugit akuerineqarsimasut.

Nalunaarutiginnittut akisussaaffii

§ 8. Suliffeqarfiup nalunaarutiginnittoq piginnaatippaa Erhvervsstyrelsip tungaanut suliffeqarfik sinnerlugu fuldmægtigiuinissaanut aammalu nalunaarutiginiakkanik ingerlatsivinnut inatsisit naapertorlugu nalunaarutiginnissummik

nalunaarsugaasussamik atsiuisuunissamut.

§ 9. Nalunaarutiginnittup akisussaaffigissavaa nalunaarutiginninneq inatsisit malillugit uppernar-saaserluagaasumik pissammat aammalu uppernarsaasiussaasut akuerisaasumik tunngaveqassammata.

Imm. 2. Imm.1 aamma atuupput pineqarpata nalunaarutininik avammut saqqummiussinerit oqaatigine-qartut il.il ilanngulugit, tak. § 4.

Oqaatsinut atorneqartunut piumasarisat

§ 10. Paasissutiissutit Erhvervsstyrelsen qarasaasiaatigut nalunaarsorneqartut, qallunaatuujussapput.

Imm. 2. Ingerlatsivinnut inatsisit naapertorlugu uppernarsaasiussat nalunaarutiginnissummut Det Centrale Virksomhedsregister-ikkut avammut saqqummiunneqartussat, qallunaatut allassimassapput, takukkilli imm. 3-5.

Imm. 3. Ingerlatsiviit suliffeqarfiillu killilimmik akisussaasuusut pineqartillugit, nalunaarutiginninnermi uppernarsaatitut ilanngunneqartut imal. Det Centrale Virksomhedsregister-ikkut avammut saqqummiunneqartut tuluttut allanneqartuusinnaapput. Kisiannili malittarisassat pilersitsinermullu atatillugu pappialartaasut qallunaatut allassimasuussallutik.

Imm. 4. Nunani allani ingerlatsiviit kapitalselskapiusut immikkoortortaqarfii suliffeqarfiutaalu killiligaasumik akisussaaffillit pineqartillugit, taava nalunaarutiginninnermut ilanngussat uppernarsaasiussat qallunaatuujullutilluunniit tuluttuujusinnaapput. Ingerlatsiviup immikkoortortarisallu siunertaat aningaasanullu atatillugu atsiorsinnaasunut tunngasut nalunaarutiginninnermut uppernar-saatitut ilanngunneqartut qallunaatuujusinnallutillu tuluttuujusinnaapput. Taaneqartulli nalunaarsui-nermi atorneqartussat qallunaatuujussallutik.

Imm. 5. Erhvervsstyrelsilu piumasaqarsinnaavoq nalunaarutiginninnermut atatillugu ilanngunneqartut tamarmiusut qallunaatuujunissaannik, tak. imm. 2-4.

Nalunaarsuinnermut uppernarsaat nalunaarsuinnermullu atatillugu akiliut

§ 11. Nalunaarutiginninneq pereerpat, nalunaarsuineq uppernarsaaserneqassaaq nalunaarutigineqartullu tiguneqartut uppernarsaaserneqassallutik taakkulu (nalunaarsuinnermut uppernarsaatit) nalunaarutigin-nittumut allaganngorlugit nassiunneqarlutik.

Imm. 2. Suliffeqarfiit qanoq ittut nalunaarsuinnermut atatillugu akiliuteqartussat suuneri, akiliute-qartitsinertalerlugit nalunaarsukkat tamakkiisut aammalu akiliutissat annertussusii www.erhvervsstyrelsen.dk.-kkut takuneqarsinnaapput.

Imm. 3. Nalunaarsuinnermut akiliuserneqartunut atatillugu akiliummik akileeqqusissut nalunaaruteqar-tumut nassiunneqassaaq akiliutinut annertussusiussat malillugit, tak. imm. 2.

Imm. 4. Akiligassiissut Erhvervsstyrelsen qanoq akilernissaanut najoqqutassiaa malillugu akilernerqassaaq.

Imm. 5. Akiliinissamut piffissaliussaq qaangerneqarpat, taava tuavisaaruteqarnermi Erhvervsstyrelsen aningaasartuutai matussuserlugit akiligassaq ilassuserneqassaaq. Taannalu aamma akilernerqanngippat, taava akiliisitsiniutigisassanngorlugu suliaq inkassomut tunniunneqassaaq. Tuavisaarinnermut akitsuutit qaqugukkulluunniit atuuttut www.erhvervsstyrelsen.dk.-kkut takuneqarsinnaapput.

Imm. 6. Erhvervsstyrelsi qaammatikkuutaartumik akitsuummik imm. 3 aamma 5-imi allassimasut malillugit akileeqqusisnaavoq.

Imm. 7. Nalunaarutiginnissut nalunaarsorneqartunngortinneqanngippat, taava akiliisoqassanngilaq akiliisoqarsimappallu akiliut utertinneqassalluni.

Erhvervsstyrelsimit allakkanik il.il nassiussinerit

§ 12. Ingerlatsivinnut inatsisit imal. allallugu digitaliusumilluunniit imal. NemID isissutigalugu atsiornernik saqqummiussisinnaavoq Erhvervsstyrelsilu uppersaatinik takussutissiisinnaavoq paatsuugassaanngitsumik ilisaritillugu inuk, aaliangiinermik uppersaammilluunniit saqqummiussa-qarsimasoq.

Imm. 2. Ataani digitaliusumik allakkat taamaallaat Erhvervsstyrelsi nassiussisoralugu ingerlatinneqarlutik nassiunneqarsinnaapput:

- 1) Nalunaarutip tigusimaneranut uppersaasat.
- 2) Nalunaarsuisimanermut atsiuilluni uppersaasiissutit.
- 3) Digitaliusumik Det Centrale Virksomhedsregisterimit atsiomerit.
- 4) Ingerlaqqissinnaajunnaarnermut uppersaasiussat.
- 5) Erhvervsstyrelsip nalunaarsugaanit interessentskabinik kommanditaselskabinillu piiannerit pillugit allakkat.

Imm. 3. Uppersaasiat digitaliungitsut, tigunerinut atsiornikkut uppersaasikkat, tuavisaarutaasut aallatulluunniit suleriaqqiilluni iliuseqarfigineqartut, pingaaruteqartuunngitsut, taamaattunilli nassiunneqarsinnaapput taamaallaat Erhvervsstyrelsi nassiussisoralugu.

Imm. 4. Erhvervsstyrelsi allakkanik assigisaanillu suliffeqarfinnut inunnullu nassiussaqaarsinnaavoq pillugit pisut ingerlatsivinnut inatsimmut attuumassuteqartumik tunngaveqartunut, imatut iliorluni:

- 1) Digitaliusumik allakkanik suliffeqarfiit inuinaallu digital postkassii aqqutigalugu Offentlig Digital Post, suliffeqarfiup CVR normuanut atasunut, inuinaappallu taassuma inuttut normuanut atasumut nassiussisinnaavoq, aatsaalli suliffeqarfik inuinnarluni pineqartoq Offentlig Digital Post-imiittuuppat.
- 2) Emailitut emailadressimut suliffeqarfimmit inuinnarmiilluunniit atsiukkatut nalunaarutigine-qarsimasumut.
- 3) Allakkatigut pappiaraasutut suliffeqarfiup pineqartulluunniit najugarisaabut.

Tamanut ammasumik iliorneq

§ 13. Det Centrale Virksomhedsregister-ikkut avammut saqqummiunneqartarput suliffeqarfiit pillugit nalunaarsorneqartussatut paasissutissiissutit aammalu suliffeqarfimmut tunngasut tigusimanerannik uppersaasiissutit, taakku ingerlatsivinnut inatsisit iluani malittarisassiaasut naapertorlugit, pineqartut ammasumik saqqummiunneqarsinnaasuutillugit, takuulli imm. 2.

Imm.. 2. Det Centrale Virksomhedsregister-illi inuup normui, allatut ilisarnaataasinnaasut aammalu suminningaanneersuunermut paasissutissat avammut tusarluunneq ajorpai.

Imm. 3. Ingerlatsivinnut inatsisit naapertorlugu Nalunaarsuinerit il.il. Det Centrale Virksomhedsregister aqqutigalugu avammut saqqummiunneqartut pingajuusunit ilisimaneqalersutut inissinneqartarput.

§ 14. Suliffeqarfiit pappialaatigisaat, Erhvervsstyrelsimit tiguneqartut tamanit takuneqarsinnaapput. Taamatulli inissisimanngillat pappialat pisortanit ammasumik ingerlatsisinnaanermut inatsisit, Kunngip peqqussutaatigut imal. aqutsinermut inatsisit malillugu Kalaallit Nunaannut atuutsinneqalersut naapertorlugu. Taamatullu inissisimapput makku:

- 1) Atsiukkat inummut tunngassuteqartut.
- 2) Naatsorsuutit, inatsisit tunngavigalugit avammut takutinneqartussaangitsut.
- 3) Aningaasaateqarfiit inuussutissarsiornermik ingerlatsiviusut niuernerpalaartumik ingerlatsinerminnilu tunngavigisaat il.il. pillugit paasissutissat, Erhvervsstyrelsimiit aningaasaateqarfinnut taaneqartutut ittunut atatillugu inatsimmi Kunngip peqqussuteqarneratigut Kalalalit Nunaannut atuutsinneqartumi § 17 imal. § 24 naapertorlugit pigineqartut, pineqartut aningaasaateqarfinnut pingaaruteqartuuppata, taamallu avataanit paasiniaaffigineqarsinnaangitsutut inissisimappata, tak. inatsimmi pineqartumi § 20, aamma tak. avataanit takuneqarsinnaasunut inatsimmi, Kunngip peqqussutaatigut Kalaallit Nunaannut atuuttunngortitaasumi § 12.

Imm. 2. Aningaasaateqarfinnut inuussutissarsiornermik ingerlataqartuusunut atuuppoq aaliangersagaq 1 imm. 1-imiittoq taamaallaallu tamanna avaqqunneqarsinnaavoq Erhvervsstyrelsi imaattunik aaliangiippat:

- 1) Paasissutissat aqutsisoqarfiimmit (styrelsimiit) kukkunersiuisumut aningaasaateqarfik pillugu aningaasaateqarfinnut inuussutissarsiornermik ingerlatsisunut taamaattunut inatsimmi § 75 tunngavigalugu, suliareqqusai, Kunngip peqqussuteqarneratigut Kalaallit Nunaannut atuutsinneqalersoq naapertorlugu.
- 2) Nassuiaat, misissuitinneqartut aningaasaateqarfinnut inuussutissarsiornermik ingerlatsisuusunut inatsisip Kunngip peqqussutaatigut Kaalallit Nunaannut atuutilersup § 25, imm. 4-mi allassimasut tunngavigalugit, tak. aqutsinermut inatsimmi § 14, imm. 1, nr. 4-mi allassimasut, Kunngip peqqussuteqarneratigut Kalaallit Nunaannut atuutsinneqalersoq.

Suliffeqarfiit pappialaataannik il.il. inniminniilluni piniarnerni akiliutissaq

§ 15. Suliffeqarfiit pillugit paasissutissat fotokopiitut allatullu assilillugit imal. Assiliivik atorlugu assiliilluni millisitatut piniarneqartunut, tak. § 14, imm. 1, naapertorlugu avataanit takuneqarsinnaa-titaasut, piniarneqarsinnaapput.

Imm. 2. Paasissutissanik taaneqartutut ittunik piniarnerit akeqartinneqartarput, tak. Imm. 1. Akit qaqugukkulluunniit atuuttut takuneqarsinnaapput aqqutigalugu www.erhvervsstyrelsen.dk. Pissarsinerit tiguneqarnerini akiligassaq nassiunneqartarpoq, takuulli imm. 3, 2. imm. § 11, imm. 4 aamma 5, aamma taamatut atorneqartartoq.

Imm. 3. Kinaluunniit Erhvervsstyrelsimik tassannga piumasarineqartut malillugit isumaqatigiissuteqar-nermi kingorna Det Centrale Virksomhedsregister aqqutigalugu paasissutissanik pappialanillu takunnissinnaatitaalersarpoq, tak. imm. 2. Erhvervsstyrelsip aaliangersinnaavaa Det Centrale Virksom-hedsregister aqqutigalugu atuisutut isersinnaaneq piumasaqaatigaluguli elektroniskiusumik akiliuteqar-nissaq.

Kapitali 3

Kapitalselskabinik suliffeqarfinnillu Finanstilsynimit nakkutigineqartunik nalunaarsuineq imal. suliffeqarfinnik taamaallaat ingerlanneqarsinnaasunik Finanstilsynip akuerinnereerneratigut.

§ 16. Kapitalselskabinut (ajutoornermi taamaallat aningaasaliissutit annaaneqarsinnaasunngorlugit ilusiligaasumut) atatillugu nalunaarutiginninnerni makku minnerpaamik paasissutissiisutit ilaatinne-qassapput:

- 1) Aqqa taamaattoqarpallu saniatigut taaguutigineqartartut.
- 2) Sumik ingerlataqartuunera taamaattoqarpallu tamatuma saniatigut suut ingerlanneqartut.
- 3) Najugarisaa kommunilu angerlarsimaffigisaa.
- 4) ulloq pilersinneqarfia aammalu malittarisassiunnerani ulloq, siunertaasut atsiorsinnaatitaasuusullu pillugit malittarisassat.

5) Ukiup qanoq innerani naatsorsuusiorneq pissasoq naatsorsuusiornissamullu piffissaliussaq siulleq.

6) Ingerlatsiviup aningaasatigut tunuliaqutai qanorlu taakku akilernerqarsimaneri, aningaasaliis-sutigineqarsimasut annertussusiat, ingerlatsisup aningaasatut tunuliaqutaasa ilaannai akilernerqarsimatil-lugit, ingerlatsivinnut inatsimmi Kunngip peqqussutaa tunngavigalugu Kalaallit Nunaannut atuutilersumi, tak. § 40, imm. 2, taamaattoqarpallu ilanngullugu naliliinermi qaffasinnerpaaffia.

7) Pilersitsisut, piginnittuusut, aqutsisuni ilaasortaasut taamaattoqarpallu sinniisussaasut, tak. § 17.

8) Kukkunersuiisorisat, kukkunersiuiiffigineqarnissamik ingerlanneqartoq ukiumut naatsorsuu-siornissamut inatsit naapertorlugu, pisussaaffigiligaappat. Taanna Kunngip peqqussutaa aqqutigalugu Kalaallit Nunaannut atuuttunngortitaavoq.

9) Partnerselskabit (suleqatigiittut piginneqatigiiffiliat) pineqartillugit allanneqassapput tamakkiisumik akisussaaitaasussatut peqataasut ataasiakkaallu angigaasaliissutigisimasaasa annertussusii, tak § 17. aningaasaliissutaasimasut.

Imm. 2. Finanstilsynimit nakkutigineqartumik suliffeqarfiit pilersinnerinut atatillugu, imaluunniit suliffeqarfik aatsaat pilersinneqarsinnaappat, Finanstilsynimit akuerineqartumik, aammattaaq imm. 1 pisariaqartumik nalimmasaatissat inissereerlugit, atuutissaaq.

§ 17. Inuit kinaassusiligaasut inatsisitigullu ikkunneqarlutik kapitalfelskabimut attuumassuteqartuusut, pilersitsisutut, piginnittutut, aqutsinermi ilaasutut il.il nalunaaruutigissavaat tamakkiisumik atitik, ingerlatsivimmi qanoq inissisimanitik, inuttut normutik, sumiuunitik nuna inuinngorfitsik, najugaqarfigisartik nunalu najugaqarfitsik, atitik, CVR-normutik aammalu inatsisit tunngavigalugit angerlarsimaffigisatik.

Imm. 2. Inuk kinaassusilerneqartoq inuttut normumik peqanngippat imal. inatsisileritooq inuttut normumik peqanngippat, taava ataani allanneqartut ilanngunneqarlutik paasissutiissutigineqassapput:

1) Nalunaarsuineri inuit inuttut normumik peqanngitsut inuuii, sumi inuusimaneri, suiassusaat, pas-iisa normui sumilu pissarsiarisimaneri allallugit. Asserlu ilisarnartoq atuuttoq aamma nalunaarutiginninnermi ilanngunneqassaaq.

2) Inatsisilerituut inuttut normoqanngitsut ingerlatsivittut nalunaarsorneqassapput, nalunaarsuinermilu normuliussaq allanneqarluni, kiisalu paasissutissiissutigineqassaaq taamaattoqarpat pineqartup akile-raaruseriffimmit ilisarnaaserneqarnermi normua. Pisortatigoortumik kinaassutsimut uppersaatisat ilumut pineqartup nunami pineqartumiinneranik uppersaasiissutaasoq, qaammatinik pingasunik nutaannginnerussanngilaq, taakkulu nalunaarutiginninnermi ilanngunneqassapput.

§ 18. Nalunaarutiginninnermilu uppersaatisatut makku ilanngunneqassapput:

1) Pilersitsinermut uppersaasat, ilanngullugit ingerlatsiviup malittarisassai ullulikkat aammalu peqarpat uppersaataasinnaasut allat, pilersitsinermut atatillugu pappialaliunneqarsimasut.

2) Ingerlatsiviup pilersinneqarnerani aningaasaliissutaasimasunut uppersaasat, tak. imm. 2 aamma 3.

Imm. 2. Ataanilu allanneqartut aningaasanik tigussaasunik ingerlatsivimmik aallartitsiniarnermi akiliutaasimasunut uppersaasiissutitut atornerqarsinnaapput:

1) Aningaaserivimmit pappialaliussat, aningaasat piginneqatigiiffittut ingerlatsivimmit pilersitsinneqartup kontoanut ikineqarsimasut pappialalerner. Tassani netbankikkut kontomiittut pillugit anillatsissinnaasat naammattumik uppersaasatit atorsinnaanngillat.

2) Eqqartuussissuserisup sullissamut atatillugu kontoanit anillatsit, tassani takuneqarsinnaallutik aningaasaliissutaasut eqqartuussissuserisup naatsorsuusiaani ingerlatsivimmik pilersitsinermut atatillugu allanneqarsimasut.

3) Eqqartuussissuserisumit aningaasaliissutit kontoanut imal. piginneqatigiiffittup ingerlatsiviliormut atatillugu sullinneqartup kontoanut ikineqarsimanerannut uppersaasiissut imal. konto ingerlatsiviliormut atasoq.

4) Kukkunersiusumit akuerisaasumit uppersaasiussat takutitsisut piginneqatigiiffiup pilersinneqarnerani taassuma kontoanut ikineqarsimasunik imal. piginneqatigiiffiliaasup tigussaasumik aningaasatut tigummisai.

Imm. 3. Piginneqatigiiffiliaasup aningaasaliiffigineqarnerani tunuliaqutaasussanik ikisinerit aningaasanik tigussaasunik tunngaveqanngitsut ammaanermi nalingi naatsorsorneqassapput, tak. § 36 Piginneqatigiiffinnut inatsimmi Kunngip peqqussutaa atorlugu Kalaallit Nunaannut atuutsinneqalersumi tak. § 38, stk. 3, taannalu nalunaarutiginninnermi ilanngunneqassaaq.

Imm. 4. Imm. 1-3 aamma naleqqussaait pisariaqartut isumagineqareernerisigut suliffeqarfimmik pilersitsinnermut taakku uppersaasut atorineqassapput, taanna Finanstilsynimit nakkutigineqartussatut inissisimasuuppat imal. aatsaat tassannga akuersissuteqarnikkut ingerlasinnaasuulersussaappat.

Kapitalselskabimut nunamit allameersumut immikkoortortaqarfimmik pilersitsineq

§ 19. Nunami allami kapitalselskabimut immikkoortortaqarfiliormi ataani allanneqartut makku minnerpaamik nalunaarutigineqassapput:

1) Nunami allami ingerlatsiviusup aqqa, qanoq inatsisit naapertorlugit ilusiligaanera, najugaqarfia, pilersinneqarnerani malittarisassiunneqarneranilu ulloq, siunertaasut, atsiuisinnaasut kikkunerit, immaqalu aningaasaliissutaasut qanoq annertussuseqarneri, ukiup naatsorsuusiortifiliussap ullut tunngavissai, ingerlatsisutut nalunaarsorneqarneranut tunngasut nalunaarsuinnermilu tassunga normuliussaasut.

2) Piginneqatigiiffiliaasoq sinnerlugu atsiorsinnaatitaasut aqqi.

3) Piginneqatigiiffiup sunik ingerlataqarnera saniatigullu ingerlaqartumut suut allat ingerlanneqarnersut.

4) Piginneqatigiiffiup aqqa, siunertai aammalu atsiuisinninnermut malittarisassai.

5) Piginneqatigiiffimmi aqutsisuusut tak. § 17.

Imm. 2. Nalunaarutiginninnermilu uppersaasiissutitut ilanngunneqassapput makku:

1) Pisortatigoortumik uppersaasiussaasoq qammatinit pingasunit nutaannginnerunngitsoq takutitsisoq piginneqatigiiffik inatsisit naapertorlugit ilumut angerlarsimaffimmini piosuq.

2) Nunami allami piginneqatigiiffiusup pilersinneqarneranut uppersaasut malittarisassiaasullu.

3) Piginneqatigiiffimmi pineqartumi aqutsisunut piginnaatitsissutit.

4) Kapitalselskasbinut EU-p EØS-illu avataani angerlarsimaffeqartunut atatillugu takussutissiarineqassapput pisortatigoortumik uppersaasiasut takutitsisut pineqartup sumi angerlarsimaffeqarneranik taamallu uppersaaserugu kalaallit piginneqatigiiffiat pineqartup tunngaviinut assingusumik siunertaqartummat nunami pineqartumi immikkoortortaqarfiliornikkut suliffeqarfimmik ingerlatsinnaasutut.

Nalunaarsugaasumik tunngavinnik allannguinerit

§ 20. Malittarisassanik allatigulluunniit nalunaarsugaasunik allannguinnermi taamatut iliornerit inatsisinut naapertuuttumik pisinneri uppersaaserneqassapput (protokoludskrift-ikkut/aalingiinerit imaqarniliaralugit allattuiffimmi). Allannguinnermi tamani malittarisassat ulluligaasut oqaasertalernerit tamakkiisut allallugit nalunaarutiginninnermi ilanngunneqartassapput.

Piginneqatigiiffiiornermi aningaasaliissutaasut annertussusaat uppersaaserlugit ilanngunneqassapput, tak. imm. 2 aamma 3.

Imm. 2. Piginneqatigiiffiup aningaasanik tunuliaqutaanik aningaasat tigussaasut atorlugit qaffaanermi aamma tunngavigineqassaaq § 18, imm. 2.

Imm. 3. Nalillit allat atorlugit aningaasanik tunuliaqutaasunik qaffaanermi tunngavigineqassaaq § 18, imm. 3.

Imm. 4. Aningaasat piginneqatigiiffiup tunngavigisai appartinneqarpata, piginneqataasunut nalilinnik akiliuteqarnikkut tamatuminnga nalunaarutiginninneq aqutsisut uppersaasiinerannut ilanngunneqassaaq.

Imm. 5. Aningaasat piginneqatigiiffiup tunuliaqutigisaanik immikkut ittumik sillimmatissaqarnissaq isumanaarumallugu appartinneqarpata, taava malittarisassani allassimassapput appaanerup kingorna piginneqatigiiffiup tunuliaqutitut pigisaasa annertussusaat. Appaaniarnerli timitalerneqanngitsoorpat, tamanna aamma nalunaarsorneqassaaq, tak. piginneqatigiiffinnut inatsimmi § 193, stk. 2, Kunngip peqqussutaatigut Kalaallit Nunaannut atuuttussanngortitaasoq, malittarisassallu nalunaarsuinnermut atatillugu ilanngunneqartumi, tak. imm. 1, piginneqatigiiffiup aningaasatitut tunuliaqutaasa annertussusiat allanneqassaaq.

Imm. 6. Kapitalselskabi, tamakkiisuunngitsumik aningaasaliiffigineqarsimasutut nalunaarsugaasoq, aningaasaliissutissanik tamakkiisumik tunuliaqutserneqarpat, tamanna Erhvervsstyrelsimut nalunaarutigineqassaaq.

Imm. 7. Piginnittut allanngorpata aammalu/imaluunniit aqutsisut kukkunersiusisullu imal. Partnerselskabini akisussaasutut peqataasut allanngorpata, taava tamanna ingerlanneqassaaq § 17 tunngavigalugu.

Imm. 8. Inuit qallunaat inunnut normuinik peqartut Kalaallit Nunaanni Danmarkimiluunniit najugaqartutut allassimasut allamut nuuppata, taamaatut pinerit Erhvervsstyrelsimut nalunaarutigineqassanngillat.

Imm. 9. Suliffeqarfiit Finanstilsynimit nakkutigisisaasut imal. aatsaat atuutsilersussat tassannga akuerineqarnerup kingorna malittarisassaminnik allatulluunniit nalunaarsugaasunik allannguippata, taava tunngavigineqassapput imm. 1-4 aamma 6-7-imi allassimasut naleqqusaasigaasut.

Atorunnaasitsinerit il.il

§ 21. Piginneqatigiiffik aaliangerpat unilluni atorunaarsitsilluni matuniarluni, piginneqatigiiffinnut inatsisit Kunngip peqqussusiineratigut Kalaallit Nunaannut atuuttussanngortitaasumi § 220 tunngavigalugu, aaliangiinnerup inatsisit naapertorlugit ingerlanneqarsimaneranut uppersaasiissut nalunaarutiginninnermi ilanngunneqassaaq (protokoludskriftikkoortumik).

§ 22. Atorunnaarsitsinermik atuutsilersineq ingerlanneqartillugu makku uppersaasiussatut ilanngunneqassapput:

- 1) Aaliangiinnerup inatsisit malillugit pisimaneranut uppersaasiineq (protokoludskrift-ikkut).
- 2) Matusinnermi aningaasaatit naatsorsuusiarnierat taamaattoqarpallu ukiumut naatsorsuutit naammassisat.

§ 23. Immikkoortortaqarfirmik atorunnaarsitsiniarnermi ilanngunneqassapput taamatut iliorniarnierup inatsisit malillugit pisimaneranut uppersaasatit (protokoludskrift-ikkut).

Aallartitseqqiinerit il.il..

§ 24. Kapitalselskabimik pinngitsaaliissutaasumik atorunnaarsitaasimasumik, takuuk ingerlatsivinnut/piginneqatigiiffinnut inatsimmi kunngip peqqussuteqarneraitugt Kalaallit Nunaannut atuuttumi § 232, aallartitseqqinniarnermik nalunaarutiginninnermi, makku minnerpaamik paasissutissiissusiornermi ilanngunneqassapput:

- 1) Aqutsisutut inissisimasut taamaattoqarpallu taakkununga sinniisussatut inissisimasut, tak. § 17.
- 2) Kukkunersiuisoq, tak. § 17, pineqartoq kukkunersiuiiffigisassatut pisussaaffiligaatillugu tunngavigalugu ukiumut naatsorsuusiornissamut inatsisit, Kunngip peqqussusiineratigut Kalaallit Nunaannut atuuttoq imal. inatsit alla atorlugu atuuttoq.

Imm. 2. Nalunaarutiginninnermi makku uppersaaitut ilanngunneqassapput:

- 1) Aaliangiinerup inatsisit malillugit ingerlanneqarsimanera (imaqarnialiaq atorlugu).
- 2) Malittarisassat nutaat ulluligaasut, aallarteqqinniarnermut atatillugu nutaanik malittarisassiortoqarsimatillugu.
- 3) Uppersaait naliliisartumit suliarineqarsimasoq aningaasat tunuliaqutissat pilersitseqqiniarluni aaliangernerup pigineqarneranik takussutissiisoq aammalu takutitsisoq piginneqatigiiffimmi pilersitsisut piginneqatigiiffinnut inatsimmi Kunngip peqqussutaa tunngavigalugu Kalaallit Nunaannut atuuttumi § 210-mi allassimasut unioqqutillugit taarsigassarsitsisoqarsimannginnermik.
- 4) Ukiumut naatsorsuutit, nalunaarutiginninnerup pinerani ilanngullugit nassiunneqarsimasussaagaluit.
- 5) Uppersaaitit takutitsisut taamaattoqarsimappat atorunnaarsitsinnermik suliarinnittup eqqartuussivimmit toqqagaasup aallartitseqqinniarnermik akuersaarinnissimaneramik.

§ 25. Nunami allami piginneqatigiiffimmut immikkoortortaqarfittut nalunaarsorneqaqinnermut nalunaarutiginnissut, tamatuma tungaanut piginneqatigiiffinnut inatsimmi Kunngip peqqussuteqarneratigut Kalaallit Nunaannut atuuttumi § 350 naapertorlugu, § 18, imm. 1 malillugu paasissutissiissutit saniatigut uppersaasiissutitut ilanngunneqassapput, peersinnermut tunngaviusut, peerneqarsimammata.

Imm. 2. Immikkoortortaqarfik piginneqatigiiffinnut inatsit Kalaallit Nunaanni Kunngip peqqussutaatigut atuuttumi § 350, imm. 1, nr. 3, aallarteqqinniarneqarpat, piffissami ikerani ukiumut nalunaarusiaasimasoq nalunaarutigineqassaaq.

*Naalagaaffiup piginneqatigiiffiutai ingerlatsiviilu, aqunneqartumik niuerfiusumi atorneqartunik pappialanik nalilinnik
peqartut*

§ 26. Piginneqatigiiffiit Erhvervsstyrelsimut nalunaaruteqarnissamut pisussaaffeqarput, piginneqatigiiffiit naalagaaffimmit pigisaasutut ilaappata ilaajunnaarpataluunniit.

Imm. 2. Piginneqatigiiffiit pisussaatitaapput Erhvervsstyrelsimut nalunaarutigissallugu, piginne-qataassutitut pigisatik, akiitsoqarsinnaatitaanitik pappialatullu nalilittut pigisatik Kalaallit Nunaanni, nunami EU-mut ilaasortaasumi aningaaserinnermut isumaqartigiissuteqarfigneqarsimasumi, niuerfimmi aquaasumi niuerutigineqarsinnaasutut akuerisaappata imaluunniit atorneqarsinnaajunnaarsimappata.

Nunap iluani ataatsimuularluni kattunnerit

§ 27. Ataatsimuularluni kattunnialernermik aaliangiinnermik nalunaarutiginninnermi paasissutissiissutigineqassapput taamaattoqarpat piginneqatigiiffiittut ingerlatsiviit nutaat ataatsimuulernermi pilersinneqartut, pisariaqartumik nalimmassaataasut ilanngullugit, tak. § 17.

Imm. 2. Nalunaarutiginninnermilu makku pappialartaliussat ilanngunneqassapput:

- 1) Aaliangiussaq inatsisit naapertorlugit aaliangiunneqarsimasooq (protokoludskrift-ikkut).
- 2) Malittarisassiat ullulikkat oqaasertaliussaasut tamakkiisut ilanngullugit, tamannalu pissaaq ataatsimoortitsilernermit malittarisassat allannguuteqarsimappata.
- 3) Malittarisassat ulluligaasut taammaattoqarsimappat ataatsimuulernermit piginneqatigiiffilianut nutaanut atuuttussat.

Imm. 3. Makkulu aamma pappialaliussat ilanngunneqassapput, taamaattut suliarisassanut ilaariinngippata imal. tamakku ataatsimuulernermit atatillugu nassiunneqareersimappata imal. ataatsimuulernissaq atorunnaarsinneqarsimasooq aaliangiisoqarsimappat:

- 1) Ataatsimuulernermit nalunaarusiaq piginneqatigiiffinnut inatsisit Kunngip peqqusineratigut Kalaallit Nunaannut atuuttumi § 238 tunngavigalugu.
- 2) Ikerani nalimmassaanerup inernerat, tunngavigalugu piginneqatigiiffinnut inatsisit Kunngip peqqusineratigut Kalaallit Nunaannut atuuttumi § 239.
- 3) Naliliinermit nalunaarut, tunngavigalugu piginneqatigiiffinnut inatsisit kunngip peqqusineratigut Kalaallit Nunaannut atuuttumi § 240.
- 4) Ataatsimuulernialersaarneq pillugu naliliisartup oqaaseqaataa, tunngavigalugu piginneqatigiiffinnut inatsisit Kunngip peqqusineratigut Kalaallit Nunaannut atuuttumi § 241.
- 5) Naliliisartup akiliiffigisassat inissisimanerat pillugu uppersaasiissutaa tunngavigalugu piginneqatigiiffinnut inatsisit Kunngip peqqusineratigut Kalaallit Nunaannut atuuttumi § 242.

Nunap iluani avitsinerit

§ 28. Piginneqatigiiffimmik agguiniarnermik aaliangiinnermik nalunaarutiginninnermit paasissutissiissutigineqassaaq allatut ingerlatsiviliortoqarpat, tak. § 17 pisariaqartunik naleqqussaa-sigaasooq.

Imm. 2. Makkulu uppersaasitit ilanngunneqassapput:

- 1) Aaliangiinnerup inatsisit malillugit pisimaneranut uppersaasiinerit.
- 2) Ulluligaasumik malittarisassiat oqaasertai nutaami allassimasut ilanngullugit, avitsinermit atatillugu piginneqatigiiffiup malittarisassai allanngortinneqarsimappata.
- 3) Avitsinermit taammaattoqarpat piginneqatigiiffiliat nutaat malittarisassa.

Imm. 3. Uppersaasiissutitut makku aamma ilanngunneqassapput, tamanna arlaatigut piumasariisaanngippat, imaluunniit pineqartut avitsinissamik pilersaaruteqarnermit atatillugu nassiunneqareersimappata imal. allatigut avitsiniarneq unitsinneqarsimappat:

- 1) Avitsiniarneq pillugu nassuiaasiaq, tak. piginneqatigiiffinnut inatsimmi § 256 Kunngip peqqussutaatigut Kalaallit Nunaannut atuuttussanngortitaasumi allassimasut.
- 2) Qiteqqunnerani oqimaatigiissitsineq, tak. piginneqatigiiffinnut inatsimmi § 257-imi Kunngip peqqussutaatigut Kalaallit Nunaannut atuuttussanngortitaasumi.
- 3) Naliliissut, tak. piginneqatigiiffinnut inatsimmi § 258 Kunngip peqqussuteqarneratigut Kalaallit Nunaanni attuussanngortitaasumi.
- 4) Nalilersuisartup piginneqatigiiffimmi avitsiniarneq pillugu oqaaseqaatai, taamallu ittoqarpat § 259 avitsiniarnermit pilersaarussiaq, tak. piginneqatigiiffinnut inatsimmi § 259 Kunngip peqqussuteqarneratigut Kalaallit Nunaanni attuussanngortitaasumi.

5) Naliliisartup akiligassaqarfiusoq pillugu uppersaasaa tak. piginneqatigiiffinnut inatsimmi § 260-imi Kunngip peqqussuteqarneratigut Kalaallit Nunaanni attuussangortitaasumi.

Kapitali 4

Suliffeqarfiit ilaannut inatsisit atuuttut tunngavigalugit piginneqatigiiffinnik pilersissimasaniq nalunaarsuineq

§ 29. Pilersitsinermik nalunaarutiginninnermi suliffeqarfik killiligaasumik akisussaaffiligaasoq minnerpaamik makkuninnga nalunaaruteqassaaq:

- 1) Nunami allami suliffeqarfiup aqqa, inatsisitigut ilusiligaanera, angerlarsimaffia, ulloq pilersinneqarfia malittarisassiofialu, siunertai, atsiorsinnaatitaasunut atasumik ilusiliinerit, ukioq naatsorsuusiorfiusoq, suliffeqarfittut nalunaarsorneqarnera aammalu suliffeqarfittut normuligaanera
- 2) Ateq taagutaasinnaasullu allat.
- 3) Ingerlataq taamaattoqarpallu saniatigut ingerlatat allat suuneri.
- 4) Pilersitsinerup malittarisassiuussinerullu ullua, siunertat aammalu atsiorsinnaatitaasunut tunngasut.
- 5) Ukioq naatsorsuusiorfiusoq aammalu naatsorsuusiorfik siulleq.
- 6) Aqutsinermi peqataasut taamaattoqarpallu sinniissusaatitaasut, tak. § 17.
- 7) Inuit atsiorsinnaatitaasut, tak. § 17.
- 8) Kukkuersiuisoq, tak. § 17, suliffeqarfik kukkuersiuisumit ukiumut naatsorsuusiornissamut inatsisit naapertorlugu Kunngip peqqussutaatigut Kalaallit Nunaannut atuuttussangortinneqartoq allatulluunniit inatsit malillugu kukkuersiugassaataasuppat.

Imm. 2. Nalunaarutiginninnermi makku uppersaasiunneqassapput:

- 1) Suliffeqarfimmut malittarisassiuussat ullulikkat.
- 2) Pilersitsinerup inatsisit malillugit pilersinneqarsimaneranut uppersaatit (pilersitsinermut uppersaasiaq il.il).
- 3) Pilersitami minnerpaamik inuit marluunerannik uppersaasiissut.

§ 30. Suliffeqarfiit ilaannut atuuttussamik § 2, imm. 3, 2. imm. naapertorlugu Kunngip peqqussuteqarneratigut Kalaallit Nunaannut atuuttussangortitaasumik, Interessantskabimik kommandit-selskabimilluunniit pilersitsinermik nalunaarutiginninnermi § 29 imm. 1-imi nalunaarutigineqartussatut taaneqartut saniatigut aammau § 17 tunngavigalugu suliffeqarfimmi akisussaasutut peqataasut, nalunaarutigineqassapput

Imm. 2. nalunaarutiginninnermi uppersaatissat makku § 29, imm. 2, nr. 1 aamma 2-mi taaneqartut ilanngunneqassapput.

Nunani allani suliffeqarfiusup immikkoortortaqarfissaanik pilersitsineq

§ 31. Suliffeqarfiup nunami allamiittup killilimmik akisussaaffeqartumik immikkoortortaqarfimmiq pilersitsinerani makku minnerpaamik nalunaarutigineqassapput:

- 1) Nunami allami suliffeqarfiup aqqa, inatsisitigut ilusiligaanera, angerlarsimaffia, ulloq pilersinneqarfia malittarisassiofialu, siunertai, atsiorsinnaatitaasunut atasumik ilusiliinerit, ukioq naatsorsuusiorfiusoq, suliffeqarfittut nalunaarsorneqarnera aammalu suliffeqarfittut normuligaanera.
- 2) Suliffeqarfimmut nunami allamiittumi atsiorsinnaatitaasut aqqi.

- 3) Immikkoortortap ingerlatai taammaattoqarpallu saniatigut allat ingerlatai.
- 4) Immikkoortortaqarfiup aqqa, sumiinnara, inissisimaffia aammalu atsiorsinnaatitaanermut malittarisassiaasut.
- 5) Immikkoortortami aqutsisuusut, tak. § 17.

Imm. 2. Nalunaarutiginninnermi uppersaasiitut makku ilanngunneqassapput:

- 1) Pisortatigoortumik uppersaasiissut qaammatinik pingasunik nutaannginnerussanngitsoq takussutissiisoq suliffeqarfik akuerisaasumik angerlarsimaffigisamini ingerlatsillunilu inissisimasuusooq.
- 2) Nunami allami suliffeqarfiup pilersinneqarnerani uppersaasiussat malittarisassaalu.
- 3) Immikkortoqarfinni aqutsisuusut piginnaatitsissutit.
- 4) Nunami allami suliffeqarfimmit uppersaasiissut, nunami pineqartumi suliffeqarfittut ingerlatamini malissagamigit tassani inatsisisigut tunngavigisat, qallunaat inatsisaasa ataani inissisimassalluni aammalu akueralugu malissallugu, taamatut pisoqassappat, qallunaat eqqartuussiveqarfiannit tamanna ingerlanneqassammat.
- 5) Suliffeqarfinnut EU-p EØS-illu avataani inissisimasunut taanna nunagisaanit uppersaasaa-serneqassaaq. Uppersaasorlugu kalaallit suliffeqarfiatut tunuliaqutaasutulli pineqartoq siunertaqartoq immikkoortortaqarneq aqutugalugu nunami pineqartumi suliffeqarfittut ingerlasinnaalluni.

Pissutsit nalunaarsugaasut iluini allannguinerit

§ 32. Malittarisassanik allatigulluunniit allannguinermik nalunaaruteqarnermi tamatuma inatsisinut naapertuuttumik ingerlanneqarsimanera uppersaasarneqassaaq (protokoludskriftikkut). Allannguute-qarnerni tamani malittarisassat ulluligaasut oqaasertai tamaasa ilanngullugit nutaamik pilersitsinerup nalunaarutiginerini ilaatinneqassapput.

Imm. 2. Allannguinerit makku imminut sullissivissiaq aqutugalugu ingerlanneqarsinnaanngillat taamaammalu Erhvervsstyrelsenimut toqqaannartumik nalunaarutigineqassallutik, tak. § 3:

- 1) Killiligaaasumik akisussaassuseqartutut suliffeqarfiunermiit suliffeqarfinnit niuerneramik ingerlatsisuusut ilaannut inatsisit naapertorlugu allanngortitsineq ingerlanneqassaaq, Kunngip peqqussuteqarneratigut Kalaallit Nunaannut aamma atuuttussanngortitaasooq malillugu.
- 2) Suliffeqarfiit inuussutissarsiornermik ingerlatsisuusut pillugit inatsisit naapertorlugu kommanditselskabimiit inatsimmut attuumassuteqanngitsutut Kunngip peqqussuteqarneratigut Kalaallit Nunaannut atuuttunngortitaasooq tunngavigalugu, inissinnerit.
- 3) Suliffeqarfiit inuussutissarsiornermik ingerlatsisuusut pillugit inatsisit Kunngip peqqussuteqarneratigut Kalaallit Nunaannut aamma atuuttussanngortitaasooq naapertorlugu interessantskabinngortitsineq, avaqqullugu suliffeqarfiit inuussutissarsiornermik ingerlatsisunt ilaannut inatsisit, Kunngip peqqussuteqarneratigut Kalaallit Nunaannut atuuttussanngortitaasooq.
- 4) Suliffeqarfiit inuussutissarsiornermik ingerlatsisuusut pillugit inatsisit Kunngip peqqussuteqarneratigut Kalaallit Nunaannut aamma atuuttussanngortitaasooq naapertorlugu suliffeqarfiit inuussutissarsiornermik ingerlataqartut ilaannut Kunngip peqqussuteqarneratigut Kalaallit Nunaannut atuuttussanngortitaasumi inatsimmut ilaangitsumiit ilaasumut ikaarsaartitsinerit.
- 5) Suliffeqarfiit inuussutissarsiornermik ingerlatsisuusut pillugit inatsisit Kunngip peqqussuteqarneratigut Kalaallit Nunaannut aamma atuuttussanngortitaasooq naapertorlugu suliffeqarfiit inuussutissarsiornermik ingerlataqartut ilaannut Kunngip peqqussuteqarneratigut Kalaallit Nunaannut atuuttussanngortitaasumi inatsimmut ilaangitsumiit ilaasumut ikaarsaartitsinerit.

6) Suliffeqarfiit inuussutissarsiornermik ingerlatsisuusut pillugit inatsisit Kunngip peqqussuteqarneratigut Kalaallit Nunaannut aamma atuuttussanngortitaasoq naapertorlugu suliffeqarfiit inuussutissarsiornermik ingerlataqartut ilaannut Kunngip peqqussuteqarneratigut Kalaallit Nunaannut atuuttussanngortitaasumi inatsimmut ilaangitsumiit ilaasumut, ikaarsaartitsinerit.

7) Suliffeqarfiit inuussutissarsiornermik ingerlatsisuusut pillugit inatsisit Kunngip peqqussuteqarneratigut Kalaallit Nunaannut aamma atuuttussanngortitaasoq naapertorlugu suliffeqarfiit inuussutissarsiornermik ingerlataqartut ilaannut Kunngip peqqussuteqarneratigut Kalaallit Nunaannut atuuttussanngortitaasumi inatsimmut ilaangitsumiit ilaasumut ikaarsaartitsinerit.

8) Suliffeqarfimmik killiligaasumik akisussaatitaasumit Kunngip peqqussuteqarneratigut Kalaallit Nunaannut atuuttussanngortitaasumi aktieselskabitut piginneqatigiiffinnngortitsinerit, tak. piginneqatigiiffinnut inatsimmi § 325.

9) Andelsselskabitut inuussutissarsiornermik ingerlatsisut ilaannut inatsit naapertorlugu ingerlanneqartumiit andelsselskabitut inuussutissarsiornermik ingerlatsinngitsumut, Kunngip peqqussuteqarneratigut Kalaallit Nunaannut aamma atuuttussanngortitaasumi, allannguinerit.

10) Andelsselskabitut inuussutissarsiornermik ingerlatsisut ilaannut inatsit naapertorlugu ingerlanneqartumiit andelsselskabitut inuussutissarsiornermik ingerlatsinngitsumiit, Kunngip peqqussuteqarneratigut Kalaallit Nunaannut aamma atuuttussanngortitaasumi, taamatut ingerlatsisunngortitsilluni allannguinerit.

Imm. 3. Nalunaarutigineqassanngillat inuit qallunaat inunnut normuannik peqartut Kalaallit Nunaanni najugaqartutut allassimasut akornanni, allannguutit.

Atorunnaarsitsinerit il.il.

§ 33. Suliffeqarfimmik killiligaasumik akisussaatitaasumik atorunnaarsitsinerimik nalunaaruteqarnermi ilanngunneqassaaq aaliangiussinerup inatsisit malillugit ingerlanneqarsimanera (protokoludskriftikkut).

§ 34. Suliffeqarfimmik killiligaasumik akisussaaffeqartumik atorunnaarsitsinneqarnerup atuutlernerana nalunaarutigineqartillugu makku uppersaasiissutitut ilanngunneqassapput:

- 1) Aaliangiinerup inatsisit naapertorlugit ingerlanneqarsimaneranut uppersaasut (protokoludskriftikkut).
- 2) Naamassissutaasut atorunnaarsitsinerimut atatillugu naatsorsuusiata kiisalu pisariqarpat ukiumut naatsorsuusiornermi ukiumut nalunaarutit, atorunnaarsitsinikkut naammassineqartut.

§ 35. Interessantselskabnit kommanditselskabillu Erhvervsstyrelsen nalunaarsuiffianit peerneqarnissamik aaliangiinermik nalunaarutiginninnerit, uppersaasutitut ilanngunneqassapput takussutissialugu aaliangiineq inatsisit malillugit pisimammat (protokoludskriftikkut).

Aallartitseqqinnerit il.il.

§ 36. Suliffeqarfinnik killilimmik akisussaasunik aallartitseqqiinnermik nalunaarutiginninneri, makku minnerpaatut nalunaarutigineqassapput:

- 1) Aqutsisunut ilaasortaasut taamaattoqarpallu taakkununga sinniissussaasutut inissisimasut, tak. § 17.
- 2) Kukkunersiuisoq, tak. § 17, suliffeqarfik kukkunersiusumit ukiumut naatsorsuusiornissamut inatsisit naapertorlugu Kunngip peqqussutaatigut Kalaallit Nunaannut atuuttussanngortinneqartoq allatulluunniit inatsit malillugu

kukkunersiugassaataasuuppat.

Imm. 2. nalunaarummi ilanngunneqassapput pappialat uani ilisimatitsissummi § 24, imm. 2, nr. 1, 2 aamma 5-imi allanneqarsimasut, kiisalu ukiumut nalunaarutit amigaataasut imal. ilanngussas-saanninnerinut uppersaasiussat, nalunaarutiginninnerup pinerani ilanngunneqartussaasimagaluartut.

Imm. 3. Suliffeqarfik ilanngunneqanngitsut pillugit uppersaasiilluni nalunaaruteqarpat, taava Erhvervsstyrelsi piimasaqarsinnaavoq, kukkunersisuisoq akuerisaasoq tamanna pillugu uppersaasiilluni nalunaaruteqassasoq, uppersarlugu suliffeqarfik akiliisinnaassuseqarmat.

§ 37. Interessentskabinik kommanditskabinillu suliffeqarfiit inuussutissarsiornermik ingerlataqartut ilaannut inatsimmi Kunngip peqqussuteqarneratigut Kalaallit Nunaannut atuuttumi § 2, imm. 3, 2. imm allassimasut naapertorlugit, nutaamik nalunaarsuisitseqqinnissamik saaffiginninnerit ingerlanneqassapput, taakku Erhvervsstyrelsip nalunaarsuiffianit peerneqarsimasuuppata ilanngullugit § 29, imm. 1-imi allassimasut malillugit paasissutissiissutit.

Imm. 2. Suliffeqarfik piffissap ilaani kapitalselskabiusunik akisussaasunik peqateqarsimappat, tamannalu siusinnerusukkut nalunaarutigineqarsimanngippat, taava tamanna pillugu paasissutissiisutit piffissami taaneqartumi ilanngunneqarsimanngitsut nalunaarutigineqassapput.

Imm. 3. Nalunaarutiginninneq § 24, imm. 2, nr. 1 aamma 2A-mi allanneqartut naapertorlugit uppersaasiussanut ilanngunneqassapput. Kiisalu ilanngullugu ukiumut nalunaarusiaq amigaati-gineqartoq imal. ilanngussissannginnermut uppersaat, nalunaarutiginninnerup pinerani ilanngul-lugu nassiunneqartussaasimagaluartoq.

Suliffeqarfiit pappialanik nalilinnik niuerfimmi nalimmassagaasumi ilanngussaasimasunik peqartut

§ 38. Suliffeqarfik killilimmik akisussaasuutitaasoq, interessensskabit kommanditskabilu, suliffeqarfinnut inuussutissarsiornermik suliaqartut ilaannut inatsisip Kunngip peqqussutaatigut Kalaallit Nunaannut atuuttup ataani itut, Erhvervsstyrelsimut nalunaartussaataapput, suliffeqarfiup piginneqataassutai, akiitsunut iliuuseqarsinnaaneri imal. allatigut pappialanik nalilinnik Kalaallit Nunaanni nakkutigisaasumik niuerfiusumi atorsinnaanngortinneqarpata imal. atorsinnaajunaartitaappata, nunami EU-mut ilaasortaasumi imal. nunami EU-mit aningaaserinnermut atatillugu isumaqatigiissuteqarfigineqarsimasumi.

Kapitali 5

Aningaasaateqarfinnik inuussutissarsiornermik ingerlatsisunik nalunaarsuineq

Pilersitsineq il.il

§ 39. Aningaasaateqarfiit inuussutissarsiornermik ingerlatsisut nalunaarutigineranni makku minnerpaamik paasissutissatut ilanngunneqassapput:

- 1) Aqqa allatullu taaneqartarpat saniatigut taaguutai.
- 2) Ingerlatsinermini suut allaviginerai taamattoqarpallu sanniatigut ingerlatai.
- 3) Najugaa kommunilu angerlarsimaffigisaa.
- 4) Pilersitsinermi ulloq aammalu ulloq malittarisassiorfiusoq, siunertaasut aammalu atsiortitsinnermut atatillugu malittarisassai.
- 5) Ukiup iluani naatsorsuussiorfiusoq aammalu naatsorsuussiorfiusoq siulleeq.

6) Tunngavisumik aningaaliissutitut tunuliaqisitigisat taakkulu aningaasanngorlugit imal. nalillit allat atorlugit akilerneqarsimanersut.

7) Piginnittut, aqutsinermi peqataasut taakku taamaattoqarpat sinniussarisaa, tak. § 17.

8) Kukkunersiuisoq, tak. § 17.

Imm. 2. Nalunaarutiginninnermi makku uppersaatisat tunniunneqassapput:

1) Aningaasaateqarfimmik pilersitsinermi tunngavigineqartut (testamentit, tunissutit allalluunniit)

2) Malittarisassat allallu pilersitsinermut atatillugu atorneqartut.

3) Aningaasaateqarfimmut aningaasaliissutissat ilumut akilerneqarsimanerannut uppersaasiissutit, tak. § 18, imm. 2 aamma 3.

4) Aningaasaateqarfiup inuussutissarsiornermut tunngasunik suliaqarneranut uppersaatit.

5) Aningaasaateqarfik pisortanit aningaasaliiffigineqarsimanersaq pillugu paasissutissiisutit, ilanngullugu paasissutissaq aningaasaateqarfik pisortanit nakkutigineqartuunersoq.

6) Naatsorsuutit nutaanerpaat. Pineqarpat aningaasaateqarfik atuuttoq, aningaasaateqarfinnut inuussutissarsiornermik ingerlataqartut pillugit inatsisip ataani ituusoq, Kalaallit Nunaannut Kunngip peqqussuteqarneratigut atuuttuusoq.

Nalunaarsugaasut iluini allannguutit

§ 40. Malittarisassanik assigisaanillu allanik allanguinermik nalunaarutiginninnermi ilanngunne-qassapput allannguinerup inatsisip malillugit pisimaneranut uppersaatit. Allannguineri tamani malittarisassat nutaat oqaasertaasut tamakkiisut takussutissiaralugit nalunaarutiginninnermut ilanngunneqassapput.

Imm. 2. Aningaasaateqarfiup inuussutissarsiornermik ingerlataqartuunermi taamatut ingerlataqartuujunnaarsinneqarnerani killormullu nalunaarutiginninnerit immineq sullississutaasoq atorlugu nalunaarutigineqarsinnaanngillat tamannali pissalluni Erhvervsstyrelsimut toqqaannartumik saaffiginninnikkut, tak. § 3.

Imm. 3. Piginnittut, aqutsisuniittut imal. kukkunersiusup allannguuteqarnerini aamma § 17 atorneqassaaq

Imm. 4. Inuit qallunaat inunnut normuiniq peqartut Kalaallit Nunaanni Danmarkimiluunniit najugaqartutut inuit allattugaaffiani allanneqarsimasut nuuppata tamanna nalunaarutigineqassanngilaq.

Kapitali 6

Maalaarfissat iliuuserisassallu

§ 41. Una ilisimatitsissut tunngavigalugu Erhvervsstyrelsimi aaliangiinerit Erhvervsstyrelseip ataani maalaartarfimmut nalunaarutigineqarlutik tunniunneqarsinnaapput, pineqartumut aaliangiussinermik nalunaaruteqarnermi sapaatit akunneri 7-it qaangiutsinnagit.

§ 42. Ingerlatsivinnik nalunaarsuinerut, nalunaarutiginninnerut aammalu imminut sullississusiaasoq www.virk.dk aqutugalugu avammut saqqummiussinerut atatillugu atornerluisut il.il aammalu digitaliusumik atsiussutissanik atornerluisut, tak. §§ 2, 4, 5, 6, 8 aama 9, akiliissinneqarsinnaapput, allatut Kalaallit Nunaanni kriminallov tunngavigalugu pisoq tunngaveqanngippat.

Imm. 2. Ingerlatsiviit il.il eqqartuussivikkoortumik pisuutinneqarsinnaapput (inuit inatsilerinermik suliaqartut) Kalaallit Nunaanni kriminallovimi kapitalit 5-ianni allassimasut naapertorlugit akisussaasutut.

Kapitali 7
Atuutilerfissaq il.il

§ 43. Nalunaarut pineqartoq atuutilissaaq 5. januar 2022 aallernerfigalugu.

Imm. 2. Nalunaarutiginninneq, nalunaarsuineq, akeqartitsineq aammalu avammut saqqumiineq il.il. Erhvervsstyrelsimi Kalaallit Nunaannut atatillugu nalunaarut nr. 623 af 29. maj 2018 atorunnaarsinne-qarpoq.

Erhvervsstyrelsi, ulloq 28. december 2021

HENNING STEENSIG

/ Søren Corfixsen Whitt

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut